



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt IV. Clemens III. Clero (a) Constantinopolitano.

---

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

## NOTÆ.

(a) *Cantuar.*] Ita etiam legitur in prima collectione, ubi hoc titul. cap. I. & post Concl. Lateran. p. 8. cap. II. de Cantuariensi Eccles. & ejus suffraganeis egi in cap. 2. de scripto.

(b) *Officialium.*] Id est, Vicariorum Episcoporum, ut communiter in Anglia eos appellari tenetur Cojaciū in praesenti.

(c) *Qui hoc de jure possunt.*] Vicarii generales Episcoporum ex vi proprii officii absque alia speciali commissione possunt instituere praesentatos à Patronis, sicut & electos confirmare, ut pluribus relatibus docent Barbola in praesenti, n. 3. & de potest. Epis. p. 3. alleg. 5. 4. num. 70. Valensis de benef. lib. 1. t. 5. § 11. nam instituire est jurisdictionis; unde transit in Capitulum hæc potestas Sede vacante, cap. I. hoc in lib. 6. sed omnia quæ sunt jurisdictionis, competunt Vicario Episcopi, nisi a jure exceptum sit: ergo & instituere in beneficis. Non tamen potest Vicarius conferre, cap. ult. de offic. vicarii in 6. Joan. Dantis de benef. sect. 3. cap. 10. nam non est pars ratio institutionis, ac collationis; quia instituire est necessarium, conferre autem beneficia, gratuita donationis; ideoque Vicarius potest instituere, non autem beneficia conferre absque speciali commissione. Ita docuerunt plures congettuli à Barbola d. alleg. 5. 4. num. 69. qui variis modis accepimus praesentem Alexandri decisionem. Speciale delegationem praefuisse in hoc textu lipponunt Dinus in cap. 1. de reg. inv. lib. 6. Panormitanus hic. Idem Panormit. Immola, & alii aliam subiungunt interpretationem, affidentes in hoc textu non agi de libera collatione beneficiorum, sed de institutione, quæ fit ad Patronorum presentationem, quam Vicarius generalis facere potest absque speciali commissione: ita tenuerunt Glossa in praesenti, verbo Officiale, Romanus singul. 601. Selua de benefic. 2. p. cap. 14. Lambert. de iure patron. lib. 2. 3. p. qna. 8. 1. art. 5. Tandem Covar. 3. p. variar. cap. 20. num. 7. docet textum hunc posse accipi de institutione, quæ non confert titulum beneficii, sed absentem; vel illius vicario præbet facultatem exercendi curiam animatum, juxta textum in cap. 1. de Capel. monach. in 6. Sed prior sententia defendenda profluit est, cum ceteræ alienæ sint à praesenti decisione. Quatenus tamen possit Episcops facultatem conferendi beneficia vacatura vicario proprio dare, dicemus in cap. constitutus, de concess. præb.

(d) *Provulisti.*] Sed quomodo Archiepiscopus in subditos suffraganeorum suorum sententiam excommunicationis proferre poterat? contra ea, quæ adduxi in c. dno, cap. pastoralis, de offic. ordin. Communiter repetentes in praesenti docent, Beatus Thomam Archiepiscopum Cantuariensem potuisse predicam excommunicationem proferre, quia agebatur de delictis concernentibus totam provinciam, & idem Metropolitanum etiam contra subditos suffraganeorum procedere potuisse, docuerunt in praesenti Innocentius Ancharan, n. 6. Abbas Antiquus n. 3. Burrius n. 5. Holtiensis n. 2. Zabarella n. 4. quos sequitur Lotherius lib. I. q. 22. n. 8. qui animadvertis sententiam, de qua in praesenti, non fuisse judicalem, sed decretum Metropoliticum, & legem provincialē sanctam in ipsa Synodo provinciali. Sed quām aliena sit hæc interpretatione à verbis praesentis textus, nemo non videt. Eā ergo & aliis omissis vera interpretatio deductu ex illis verbis hujus textus, ex officio tibi injuncto. Cum enim Archiepiscopi Cantuarien. simi Legati nati ratione propria dignitatis, Canderus in sua Britannia, ibi: Cantuarienses Archiepiscoperant Legati populi Romani: & ut Urbanus II. ajebat, velut alterius orbis Patriarcha, Godevinus in vita sancti Theobaldi Cantuariensis. Archiep. ibi: Palatinum accepit Roma ab Innocente II. a quo etiam titulo donatus est Legati nati, qui ab omnibus successoribus iam inde semper retinuerat si: probavit superbi in c. 1. de offic. Legat. inde Beatus Thomas, non ut Metropolitanus, sed ut Legatus S. A. in suffraganeorum subditos sententiam protulit.

(e) *Præsumatis.*] Sed ad quid necessaria fuit hæc specialis concessio, ut satisfactione præmissa possint Episcopi absolvere excommunicatos ab Archiepiscopo per sententiam generalem, cum censura generaliter latè ab homine possit relaxari, nisi ejus absolutio sit reservata ab omnibus, qui à censuris absolvere valent, ut probant Covar. Soto, Navarrus, & alii, quos laudat & sequitur Gibalinus de censur. disquisit. 9. quæst. 3. p. 1. num. 16. Sed recte Glossa finalis in praesenti, quam sequitur Gibalinus ibi, docet, sententiam excommunicationis hanc fuisse confirmata à Pontifice, ut constat ex illis verbis: *Auctoritate Apostolica confirmantes.* Unde necessarium fuit ut Alexander III. permitteret Episcopis, ut satisfactione præmissa subditos absolverent, cum eos alias absolvere nequirent.

Commentarium hujus textus dedi in cap. ue nostrum, de offic. Archid.

## CAPVT IV.

## Clemens III. Clero (a) Constantinopolitano.

**A**uctoritate Apostolica Sedis, debitoque officii nostri compellimur viros ecclasiasticos oculo benigniori prospicere, eisque, ne graventur molestiis, pastorali sollicitudine prouidere. Hac itaque ratione induiti, auctoritate Apostolica prohibemus, ne aliquis vestrum à quocunque in civili, vel criminali negotio impetratur, nec per facultatem personam carceri, aut vinculis, nisi ab Archiepiscopo suo ejus & eius fuerit ab ordine clericali, aliquatenus mancipetur, nec absq; rationabiliter & manifesta causa in officio, vel jure suo gravamen ab aliquo patiatur. Prohibemus etiam ne vicarius D. Gonzal. in Decretal. Tom. III. Pars I.

R Regis,

Regis, seu quæcunque persona vicem secularis potestatis gerens, vobis in domibus, aut aliis rebus vestris injuriam presumat inferre: sed tam in his, quam in aliis privilegia vobis à Regibus, vel Archiepiscopis pià consideratione concessa, inviolata volumus conservari. Statuimus in super, ut nullus in Ecclesiis vestris, ultra quam (b) facultates eorum Ecclesiarum sustineant, vobis instituatur invitit.

## N O T A E.

(a) **C**onstantinopol. Ita etiam legitur in secunda collectione, sub titulo de iudicis, cap. 1. ex qua textum ita restituo. De ipsa Ecclesia Pa-

trarchali Constantinopol. nonnulla adduxi in cap. quantò, de consuet.

(b) **F**acultates eorum. ] Juxta adducta supra in cap. 1. ubi commentarium hujus texus dedi.

## C A P V T V.

Innocent. III. (a) *P. tit. Sancti Marcelli, & B. tit. Sancta Susanna, Presbyteris Cardinalibus Ap. Sed. Leg.*

**A**D decorum, & commodum, tam Ecclesiæ sanctæ (b) Sophiæ, quam aliarum Ecclesiarum, quæ sunt in urbe Constantinopol. constructæ, noscitur pertinere, ut litterati viri, & morum honestate conspicui, de quibuslibet mundi partibus venientes, institui debeat in eisdem. Verum, sicut nostris auribus est suggestum, ven. f.n. Constantinopol. Patriarcha, immemor eorum, quæ sibi suggestimus viva voce, ac postmodùm per A.s. m. si tandem ad ipsum nostra litteræ pervenerint, aliarum nationum clericos spernens, Venetos tantum in ipsis Ecclesiis, & præcipue in Ecclesia sanctæ Sophiæ satagit collocare, non attendens, quod in omni gente qui facit iustitiam, acceptus est Deo, nec Sanctuarium Dei jure convenit hæreditario possideri. Quo circa dis. v. per A.s. m. quart. eundem Patriarcham monere, ac inducere studentis, ut viros religiosos, honestos, & litteratos, undecunque originem duxerint, in prædictis Ecclesiis instituere non postponat, & maximè in majori: proponentes eidem, quod si monitis nostris acquiescere fortè non curaverit, indignum se reddet, ut vos aliarum nationum clericos ad ejus obedientiam compellaris, præsertim cum ipsis propter hoc ad nostram duxerint audienciam appellandum. Neque dissimilare potestis, quin hoc auribus nostris intimetis, ut ex hoc ipso, an verum sit, quod Venetis dicitur promississe, concicere valeamus. Si qui verò clerici per vos, vel per alterum vestrum sunt in prædictis Ecclesiis instituti, a p. postposita faciat eos pacificâ possessione gaudere, amotos, sicut justum fuerit, per censuram ecclesiasticam ap. rem facientes restitui ad easdem.

## N O T A E.

1. (a) **P.** ] Ita etiam legitur in tercia collectione, sub hoc tit. c. 1. legendumque est, Petro tit. sancti Marcelli, & Benedicto tit. sancta Susanna, Presbyteris Cardinalibus Ap. S. Legatis. Innocent. enim miserat eos Legatos in Orientem variis ex causis, quas referunt Spondanus in continua. Baronius anno 1200. & 1205. Bosquetus in gestis Innocent. III.

2. (b) **Sancta Sophia.**] Celebre templum hoc sancta Sophiae urbis CP. mirificè instauravit Justinianus Imperator anno 558. ut refert, & eleganter post Evagrius, & Procopium describit Baronius tom. 7. anno 557. num. 7.

## C O M M E N T A R I U M.

3. **P**ro interpretatione hujus textus varia adduxerunt post repentes, & laudatos à Barbo la hic, Azot 2. p. instit. lib. 6. cap. 4. Garcia de benef. 7. p. cap. 9. per totum, Petrus Gregorius lib. 1. de re script. cap. 30. Solorzani lib. 3. de iure Indiar. cap. 19. Arellano lib. 3. antinom. 3. Sed vera interpretatio petenda est ex historia illius temporis, & urbis Constantinopol. quam licet breviter, retuli in cap. scriptum, de elect.

top. final. de clericis peregr. Scindum igitur est, quod antequam Franci, & Veneti ad capiendam Constantinopolim castra movissent, certa inter eos pacta inita fuerunt, que ex gestis Innocentii III. editis à Bosqueto liber transferre, ita enim apud ipsum fol. 92. legitur, sub titulo de pacta initia inter Venetos & Francos. [ in nomine Dei aeterni, Amen. Nos quidem B. Montis ferrati Marchio, & Baldunus Flandriae & Hannoniae, L. Blesensis & Clarimontis, H. sancti Pauli Comites pro parte nostra, vobis eum vir inclite Domine H. Dandule, Venetorum, Dalmatiae, atque Crovane Dux, & cum parte vestra, ad hoc ut unitas; & firma inter nos possit esse concordia, & ad omnem materiam scandali evitandam, ipso coöperante, qui est pax nostra, & fecit utraque unum, ad ejus laudem & gloriam talem duximus ordinem obseruandum, & utraque pars juramentum additrix. In primis omnium armata manus Christi invocato nomine, civitatem expugnare debemus, & si divinâ auxiliante potentia civitatem intraverimus, sub eorum regimine debemus manere, & ire qui fuerint super exercitum praelecti, & eos sequi secundum quod fuerit ordinatum. Totum quidem habere, quod in